



Directivas concernent las scolas da talent e las classas da talent

sa basond sin l'art. 98 lit. d da la lescha davart las scolas popularas dal chantun Grischun dals 21 da mars 2012 (lescha da scola)

relaschadas dal departament d'educaziun, cultura e protecziun da l'ambient ils 22 da december 2014, en vigur dapi il 1. da schaner 2015

I. DISPOSIZIUNS GENERALAS

Art. 1

¹ Talents en il senn da questas directivas èn scolaras e scolars cun in talent extraordinari en sport u en musica che sa manifestescha en las prestaziuns, che sa chattan cleramain sur la media dals uffants e dals giuvenils da la medema vegliadetgna e che han il potenzial da sa sviluppar.

Noziuns

² Scolas da talent èn scolas che vegnan manadas da purtaders da scola publics e ch'èn separadas localmain ed organisatoricamain da las scolas regularas.

³ Classas da talent èn classas ch'èn integradas localmain ed organisatoricamain en la scola regulara.

Art. 2

¹ L'instrucziun inclusiv las purschidas tenor l'artitgel 5 alineas 2 e 3 en las scolas da talent ed en las classas da talent èn gratuitas.

Finanziaziun

² Da las personas cun la pussanza dals geniturs pon vegnir incassadas contribuziuns adequatas en il rom da l'artitgel 15 da la lescha da scola.

³ Per finanzia la promoziun individuala ordaifer la scola en il sector dal talent pon vegnir incassadas contribuziuns adequatas da las personas cun la pussanza dals geniturs

Art. 3

¹ Las scolaras ed ils scolars sco er lur personas cun la pussanza dals geniturs ston suttascriber ina cunvegna da cumportament per mauns da la scola.

Cunvegna da cumportament

² Cun questa cunvegna s'oblighescha la scolara talentada u il scolar talentà tranter auter da frequentar regularmain la promoziun individuala ordaifer la scola en il sector da talent.

Art. 4

¹ Sche questa cunvegna da cumportament na vegn betg observada, excluda il purtader da scola la scolara talentada u il scolar talentà da la scola da talent u da la classe da talent.

Exclusiun

² La midada en la scola regulara sto avair lieu entaifer 1 mais.

II. PREMISSAS PER LA PERMISSIUN**Art. 5**

Per survegnir la permissiun tenor l'artitgel 38 alinea 1 da la lescha da scola per manar scolas da talent u classes da talent sto vegnir inoltrada a la regenza ina dumonda cun ils documents che cumprovan, che las prescripziuns da la lescha sco er las ulteriuras disposiziuns da questas directives èn ademplidas.

Permissiun

Art. 6

¹ Il purtader da scola è responsabel che la furmaziun en scola vegnia dada tenor il plan d'instrucziun e garantisce la colliaziun cun la promoziun individuala en sport u en musica che ha lieu ordaifer la scola.

Responsabilidad
dal purtader da scola

² La connexiun cun l'instrucziun en scola sto esser garantida da tut temp.

³ Il purtader da scola sto examinar regularmain las prestaziuns da scola.

Art. 7

¹ Il purtader da scola engascha ina persuna da coordinaziun che ha in pensum d'almain 1 pertschient da piazza per scolara talentada u per scolar talentà.

Premissas
persunalas

² Per il trenament da basa polisportiv occupa il purtader da scola ina spezialista u in spezialist che porscha per classe da talent in trenament da basa multifar d'almain 5 lezziuns per emna.

³ Per la scolaziun generala en musica occupa il purtader da scola ina spezialista u in spezialist che porscha per classe da talent ina scolaziun musicala da basa d'almain 5 lezziuns per emna.

Art. 8

Sch'il purtader da scola na porscha betg sez la promoziun individuala ordaifer la scola, fa el cunvegnas en scrit cun partenaris da sport e da musica. Questas cunvegnas reglan la collavuraziun ed en spezial er la garanzia a pli lunga vista da la finanziaziun da la promoziun individuala en sport u en musica.

Cunvegnas cun
partenadis

Art. 9

Purtaders da scola che mainan scolas da talent u classas da talent ston admetter scolaras e scholars da tut ils nivels dal stgalim secundar I.

Criteris da scola

Art. 10

Il purtader da scola porscha a las scolaras ed als scholars da las scolas da talent u da las classas da talent structuradas dal di adattadas (maisa da mezdi, assistenza, agid per far lezias e pensums).

Assistenza
cumplementara

Art. 11

La permissiun per manar scolas da talent u classas da talent po vegnir retratga da la regenza, sche las prescripziuns da la lescha da scola, da l'ordinaziun da scola u da questas directives na vegnan betg observadas.

Retratga da la
permissiun

III. DISPOSIZIUN FINALA**Art. 12**

Questas directives remplazzan quellas dals 21 da december 2012 ed entran en vigur il 1. da schaner 2015.

Aboliziun dal dretg
vertent ed entrada en
vigur